



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-262-4/25**

Datum: **21.08.2025. godine**

Agencija za vodno područje rijeke Save» Sarajevo rješavajući po zahtjevu pravnog lica «ALMY» d.o.o. Zenica za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta mobilnog postrojenja za separaciju kamenog agregata u naselju Lipice-Vranduk, grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «ALMY» d.o.o. Zenica daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta mobilnog postrojenja za separaciju kamenog agregata u naselju Lipice-Vranduk smještenog na zemljištu označenom sa k.č. broj: 3496/10 K.O. Vranduk, grad Zenica.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode za tehnološke potrebe, a za čije izdavanje je nadležno Ministarstvo poljoprivrede, šumarstva i vodoprivrede Zeničko-dobojskog kantona u skladu sa članom 139. stav 2. tačka 1. Zakona o vodama ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana Zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog postrojenja za separaciju kamenog agregata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, za vrijeme trajanja ove dozvole, obezbjeđuje da se tehnološke otpadne vode nastale u procesu pranja i klasiranja frakcija zajedno sa onečišćenim oborinskim vodama sa platoa i manipulativnih površina postrojenja nesmetano prikupljaju sistemom betonskih kanala, slivnih rešetki i kanalizacione mreže te odvede do objekta za tretman otpadnih voda (taložnik) a zatim ovako tretirane vode ispuštaju u rijeku Bosnu.
 - 3.3. Da se objekti koji se koriste u svrhu prikupljanja, odvodnje i tretmana tehnoloških i onečišćenih oborinskih voda (taložnik, obodni kanal na dnu platoa, betonski kanali, rešetke i kanalizaciona mreža) održavaju i koriste na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnog postrojenja je obavezan poduzeti sve potrebne mjere kako bi kvalitet prečišćenih otpadnih voda prije ispusta u recipijent - rijeka Bosna na mjernom mjestu, zadovoljio granične vrijednosti definisane u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.5. Sadržaj (mulj) iz taložnika, kao i ostali opasni i neopasni otpad, se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.6. Čišćenje i održavanje taložnika te skladištenje i konačno zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz taložnika kao i preuzimanje drugog opasnog otpada.

- 3.7. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga postrojenja (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode), isti propisno skladišti do njegovog konačnog zbrinjavanja od strane ovlaštene organizacije.
- 3.8. Korisnik predmetnog postrojenja je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz oba okna za monitoring prije ispusta u recipijent – rijeka Bosna u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izvršaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.9. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik postrojenja je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet podzemnih i površinskih voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom postrojenju obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog postrojenja za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «ALMY» d.o.o. Zenica, dana 13.06.2025. godine, podnijelo je zahtjev za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta mobilnog postrojenja za separaciju kamenog agregata u naselju Lipice-Vranduk smještenog na zemljištu označenom sa k.č. broj: 3496/10 K.O. Vranduk, grad Zenica.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-001498 izdatog dana 07.05.2025. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 12.01.2011. godine od strane Porezne uprave – Kantonalni ured Zenica,

- Kopija Rješenja o upotrebi građevine broj: 12-23-08004/14 izdatog dana 18.11.2014. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-192-6/20 izdatog dana 18.06.2020. godine od strane «Agencije za vodno područje rijeke Save» Sarajevo,
- Kopija Ugovora broj: 478/25 o čišćenju taložnika, separatora ulja i masti i odvozu otpadnog mulja i taloga zaključenog dana 10.03.2025. godine između «ALMY» d.o.o. Zenica i «DELTA PETROL» d.o.o. Kakanj,
- Glavni projekat snabdijevanja tehnološkom vodom, prikupljanja, odvodnje i tretmana tehnoloških otpadnih voda sa postrojenja za separaciju kamenog agregata na lokaciji označenoj kao k.č. broj: 3496/10 K.O. Vranduk, općina Zenica, urađen od strane «ES HYDROTECHNICS» d.o.o. Sarajevo, juni 2014. godine (na uvid),
- Konačni Izvještaj o izvršenoj reviziji projektne dokumentacije urađen od strane «Zavod za vodoprivredu» d.d. Sarajevo, juli 2014. godine,
- Kopije Izvještaja o monitoringu kvaliteta i kvantiteta otpadnih voda mobilnog postrojenja za separaciju kamenog agregata «ALMY» d.o.o. Zenica Vranduk – Lipice broj: 1156/24, juni 2024. godine; broj: 2111/24, oktobar 2024. godine i broj: 2619/24 decembar 2024. godine urađeni od strane «Inspekt-RGH» d.o.o. Sarajevo,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog postrojenja u naselju Lipice-Vranduk, grad Zenica te je sačinjen zapisnik o izvršenom uviđaju broj: UP-1/21-3-40-262-3/25 od 15.08.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Postrojenje za separaciju kamenog agregata je locirano na lijevoj obali rijeke Bosne u neposrednoj blizini regionalnog puta Nemila-Vjetrenice u naselju Lipice-Vranduk, grad Zenica. Postrojenje čine tri armirano betonska odjeljka za privremeno odlaganje kamenih frakcija, mobilna drobilica, transporter, vibraciono sito, spiralni klasifikator, separator za razvrstavanje i pranje pijeska, kontejner za uposlene, pokretna oprema i mehanizacija, taložnik, obodni kanal, pumpni agregat za zahvat vode iz rijeke Bosne.

Za predmetno postrojenje ranije je izdato Rješenje o vodnoj dozvoli broj: UP-1/21-3-40-192-6/20 od 18.06.2020. godine sa određenim uslovima.

Snabdijevanje pitkom vodom za potrebe uposlenih vrši se nabavkom flaširane vode dok se snabdijevanje tehnološkom vodom za potrebe klasiranja i pranja frakcija vrši zahvatom iz rijeke Bosne putem mobilnog pumpnog agregata. Za potrebe uposlenih postavljene su mobilne WC kabine.

Odvodnja tehnoloških otpadnih voda nastalih pranjem i klasiranjem frakcija i oborinskih onečišćenih voda sa platoa je urađena prema projektnoj dokumentaciji urađenoj od strane «ES HYDROTECHNICS» d.o.o. Sarajevo, juni 2014. godine ovjerenoj od ove Agencije. Prikupljene tehnološke otpadne vode odvođe se sistemom kanalizacione mreže na tretman u AB taložnik. Oborinske vode sa radnog platoa se prikupljaju obodnim kanalima (cca 30m betonskih kanalica) i odvođe na tretman u taložnik. Neposredno iza taložnika a prije konačnog ispusta u rijeku Bosnu izgrađeno je okno za monitoring. Sa firmom «DELTA PETROL» d.o.o. Kakanj potpisan je ugovor o čišćenju taložnika i odvozu mulja i taloga.

Monitoring otpadnih voda se vrši redovno. Uvidom u dostavljene Izvještaje o monitoringu iz 2024. godine urađene od strane «Inspekt-RGH» d.o.o. Sarajevo nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, «ALMY» d.o.o. Zenica ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta mobilnog postrojenja za separaciju kamenog agregata u naselju Lipice-Vranduk, grad Zenica, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog postrojenja utvrđene su obaveze u tački 6. dispozitiva ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-262-2/25 od 18.06.2025. godine.

Podnosilac zahtjeva je uplatio upravnu taksu u iznosu od 70 KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «ALMY» d.o.o. Zenica
ul Vrandučka bb, 72000 Zenica
- ⊖ AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava